

Елді мекендерді көркейту, жасыл көшеттерді күту және қорғау бойынша ережелерді бекіту туралы

Күшін жойған

Шортанды аудандық мәслихатының 2003 жылғы 10 қазандағы N C-1/9 шешімі. Ақмола облысының Әділет басқармасында 2003 жылғы 07 қарашада N 2098 тіркелді. Күші жойылды - Ақмола облысы Шортанды аудандық мәслихатының 2009 жылғы 29 сәуірдегі № C-15/4 шешімімен

Ескерту. Күші жойылды - Ақмола облысы Шортанды аудандық мәслихатының 2009 жылғы 29 сәуірдегі № C-15/4 шешімімен

Қазақстан Республикасы "Қазақстан Республикасындағы жергілікті мемлекеттік басқару туралы" Заңының 6 бабына сәйкес Шортанды аудандық мәслихаты Ш Е Ш Т і :

1. Берілген елді мекендерді көркейту, жасыл күту және қорғау бойынша Ережелер бекітілсін.
2. Елді мекендерді көркейту, жасыл көшеттерді күту және қорғау бойынша Ережелердің орындалуын бақылау аудандық мәслихаттың» тұрақты комиссияларына жүктелсін.
3. Осы Ереже Ақмола облыстық әділет басқармасында тіркеуден өткеннен соң күшіне енеді.

Аудандық мәслихат Аудандық мәслихат
сессиясының төрағасы хатшысы
Келісілді:

а у д а н ә к і м і
ауданның бас санитарлық дәрігері
Шортанды аудандық мәслихатының
2003 жылғы 10 қазандағы C-1/9
ш е ш і м і м е н
БЕКІТІЛДІ

**Елді мекендері көркейту, жасыл көшеттерді
күту және қорғау бойынша
ЕРЕЖЕЛЕР**

Осы Ережелер Қазақстан Республикасының "Қоршаған ортаны қорғау туралы" Заңына, Қазақстан Республикасы "Әкімшілік құқық бұзушылықтар туралы" Кодексіне, Қазақстан Республикасының "Тұрғындардың санитарлық-эпидемиологиялық жақсаруы туралы" Заңына сәйкес әзірленген.

Осы Ережелер елді мекендер аумағын көркейту, жасыл көшеттерді күту және қорғау тәртібін және осы мәселе бойынша заңды және жеке тұлғалардың құқықтары, міндеттері мен жауапкершіліктерін белгілейді.

1. ТАРАУ. Негізгі ұғымдар мен анықтамалар

1. Аумақты көркейту - адамның ауыл және поселке аумағындағы қолайлы өмірін қамтамасыз ететін элементтер жұмыстардың кешені.

2. Бекітілген аумақ - бөлініп берілген аумаққа жататын немесе оған қызмет етуге немесе күзетілетін аймақ болып табылатын жер учаскесі.

Бекітілген аумақтар болып табылады:

1) Жол бөлігінің шетімен шектелген, көше жақтағы аумақ- жол қабаты дұрысталған көшелер үшін немесе жол бөлігінің ортасына дейін- жол қабаты жетілдірілмеген көшелер үшін;

2) Аулалар аралығындағы аумақтар;

3) Жергілікті атқарушы органдардың рұқсатымен уақытша сақталуға, қоймаға қылуға және басқа мақсаттарға пайдаланылатын аумақ;

4) Бөлінген аумақтың периметрі бойынша 25 метр қашықтықтағы аумақ.

3. Жасыл көшеттер - санитарлық-гигиеналық талаптарды, көркейту және сәулеттік-ландшафттық ресімдеу деңгейін арттыруды қамтамасыз ететін елді мекеннің құрылымын жоспарлау элементі.

4. Жер жұмыстары - аумақты қазумен, құмды үюмен, қайтадан жабумен байланысты жұмыстар.

5. Жер пайдаланушы - меншік түріне қарамастан (кәсіпорын, ұйым, кәсіпкерлер, жеке сектордағы үйлер иелері және шаруашылық басшылары) ауылдық жерлердегі жер учаскелерін пайдаланушы заңды немесе жеке тұлға.

6. Инженерлік жүйе және құрылыстар - тұрғындар мен кәсіпорындардың мұқтаждықтарына кешендік қызмет жасауға арналған елді мекендерді инженерлік көркейтудің маңызды элементтері.

7. Шағын сәулеттік нысандар - көлемі жағынан шағын көркемдеу және қайта өңдеу түріндегі нысандар.

1) Әсемдік құрылыстары - мүсіндер, фонтандар, барельефтер, гүлдерге арналған құмыралар және т.б.;

2) Қайта өңдеу түріндегі құрылыстар - күркелер, дүңгіршектер, орындықтар, қоршаулар, қоқыс жинағыштар, көшелерді», үйлердің» маңдайшалары, хабарландырулар және т.б.

8. Жапқыштар (тенттер) - жол бөлігіне тасылатын сұйық жүктерді құлаудан, шашылудан сақтауға арналған арнайы құрал.

9. Қоғамдық жерлер - ортақ пайдаланылатын демалыс орындары (сапаржайлар, саяжайлар), алаңқайлар және аялдамалар.

10. Бөлініп берілген аумақ - жер пайдаланушыға иеленуге немесе

пайдалануға уәкілдік органдардың шешіміне сәйкес өзіне тиісті объектілерді орналастыруға берілген жер учаскесі.

11. Көше - жол бөлігі, тротуарлар, жасыл көшеттер, жер асты және жер үсті инженерлік желілері орналасқан аумақ.

2. ТАРАУ. Жалпы ережелер

12. Меншік түріне және ұйымдастыру - құқықтық нысандарына қарамастан кәсіпорындар, шаруашылықтар, мекемелер, ұйымдар, қоғамдық бірлестіктер, лауазымдық тұлғалар және азаматтар көркейту ережелерін сақтауға, елді мекеннің аумағында тиісті тазалық пен тәртіпті қамтамасыз етуге, ғимараттар мен құрылыстарды жөнделген жағдайда ұстауға міндетті.

Аумақтардың санитарлық күтілу және сыртқы көркейтілу заңды және жеке тұлғаларға осы Ережелер негізінде аудан әкімінің және ауыл округтері әкімдерінің өкімдік актілерімен бекітіліп беріледі.

13. Жылдың жылы мерзімінде ауа райына байланысты бөлінген және бекітілген аумақтар жиналумен қатар суарылуы керек.

14. Меншік субъектісі көшелерді жинауды үй иеліктері аумағы шегінде жүргізеді.

15. Меншік түріне қарамастан кәсіпорын, ұйымдар басшылары, жеке автокөлік жүргізушілері көшелерге көлікті тиісті санитарлық-гигиеналық нормаларды сақтағанда ғана шығаруды қамтамасыз етуге міндетті.

Елді мекендер аумағына санитарлық-гигиеналық және экологиялық талаптарға сай келмейтін, жол қабатының ластануына жол беретін және сыртқы механикалық ақаулары бар автокөліктер және басқа механикалық құралдардың кіруіне және жұмыс жасауына жол берілмейді. Жол қабатын ластап, сұйық және басқа да жүктер таситын жүк автокөлік жүргізушілері осы көліктің артқы қорабының болуын және жапқыш құралмен жабдықталуын қамтамасыз етуге міндетті.

16. Қоғамдық жерлер және салынып бітпеген аумақтар ауыл округтері және поселке әкімдерінің шешіміне сәйкес тазартылады.

17. Автокөліктер тұрақтарының орындары әкімшілік және өндірістік № ғимараттар, сауда кәсіпорындары мен қоғамдық тамақтану жерлерінде орналасуы керек.

18. Шаруашылықтар және басқа объектілер басшылары кірме жолдардың ақаусыз жағдайын қамтамасыз етеді.

19. Өтетін жолдарды жауып, көшеттер отырғызылған гүлзарларда мұз бен қар жинауға тиым салынады.

20. Адамдардың жаппай демалатын жерлерінде автокөліктерді және басқа көлік құралдарын жууға, малдар мен құстарды су құбырлары тартқыштарында, жағажайлар мен тоғандарда суаруға тиым салынады.

21. Елді мекендердің бөлінбеген жерлеріне малдарды жаюға тиым салынады.

22. Шаруашылық басшылары міндетті:

1) Елді мекендерде малдар жерленетін жерлерді жинауды, ұдайы тазартуды, төгуді ұйымдастыруға;

2) Елді мекендерде мал қиы жиналған қойманы механикалық тазартуды, төгуді жүргізуге;

23. Санитарлық ережелер мен нормаларға сәйкес су шаруашылығы және мәдени-тұрмыстық жерлерді жасанды су тоғандарын ластанудан қорғауға.

3. ТАРАУ. Елді мекендер аумағында шағын сәулеттік нысандарды белгілеу және күту тәртібі

24. Сыртқы көркейтудің, барлық элементтері, соның ішінде ғимараттардың алдыңғы жағы эстетикалық ресімделуі керек. Сауда және қызмет көрсету салалары кәсіпорындарының алдыңғы жағы жарықтандырылу керек.

25. Елді мекендер аумағында шағын сәулеттік нысандардың құрылысына және орнатылуына аудан әкімінің тиісті қызметтерімен келісілгеннен соң жол беріледі.

26. Шағын сәулеттік нысандардың барлық белгілері ақаусыз жағдайда болуы керек.

27. Тұрғын, қызметтік және басқа ғимараттар және құрылыстар тұрғындары көшенің көрсеткіштері мен сандық белгілерін дұрыс жағдайда ұстауы керек.

28. Барлық меншік түрінің кәсіпорындары мен ұйымдары кіре берісте заңды тұлғаның мемлекеттік және орыс тілдеріндегі атауын іліп қоюға міндетті және оның тиісті жағдайда болуын қамтамасыз етеді.

4. ТАРАУ. Жасыл көшеттерді күту тәртібі

29. Гүлзарлар, парктер, көгалдар және басқа да өсімдік шаруашылығының объектілерін жыл сайын күту заңды және жеке тұлғаларға бекітіліп берілген аумақтарға жүктеледі.

30. Құрылыс жеріндегі, жерасты коммуникация және инженерлік желілер жолдарындағы жасыл желектерді бұзу және көшіруге аудан әкімі аппаратында бекітілген жасыл желектерді бұзу актісіне сәйкес жол беріледі.

31. Жасыл желектерді бұзу және көшіру құрылыс салушылар күшімен жүргізіледі. Жасыл желектерді қалпына келтіру құрылыс немесе ғимаратты жөндеу жұмыстарын жүргізіп жатқан ұйымға жүктеледі.

32. Жұмыстар жүргізуде заңды және жеке тұлғалар міндетті;

1) Жасыл көшеттерді бұзылудан қоршауға;

2) Жолдар, тротуарлар, кірме жолдарға асфальт төсегенде диаметрі 1 метрден кем емес ойық қалдыруға;

3) Жасыл көшеттер орналасқан жерлерде жолдарды қайта жөндегенде 5см. артық көлденең белгілердің өзгеруіне жол бермеу керек. Өсімдіктің тамырының

ашылуы жағдайында жобада жасыл желектердің қалыпты өсуіне жағдайлардың сақталуы үшін құрылғы қажет.

33. Жасыл көшеттер орналасқан аумақтарда тиым салынады:

- 1). Құрылыс материалдарын құмдарды, ағаш және басқа заттардың жинауға гүлзарлар, көгалдар, гүлдерді, ойықтарды бітеуге;
- 2). Гүлзарлардың үстімен жүруге, ағаштарды, көшеттерді кесіп, сындыруға, басқа да зияндар келтіруге;
- 3). Ағаштарды, көшеттердің, жемістердің өз бетімен кесуге;
- 4). Ауыл округтерінің және поселке әкімдерінің келісімінсіз қоршаулар орнатуға.

5. ТАРАУ. Жер пайдаланушының міндеттері

34. Жер пайдаланушы міндетті:

- 1). Бөлінген және бекітілген жерлерді, инженерлік желілер және олардың элементтерін санитарлық нормалар белгілеген санитарлық жағдайға ұстауға;
- 2). Өндірістік және тұрмыстық қалдықтарды жинау, қайта өңдеу, залалсыздандыру және көмуді қамтамасыз етіп, нормативтер белгілеген санитарлық ережелер мен нормаларға сәйкес аумақты ұстау;
- 3). Сұйық қалдықтарды жинауға санитарлық нормаларға сай қазылған шұңқыр болу керек;
- 4). Қажеттігіне қарай өз аумағын (көртышқан, егеуқұйрық, тышқан, шыбындар мен тарақанды жоюға) залалсыздандыруға және дератизациялауды жүргізу.

35. Жер пайдаланушыға тиым салынады:

- 1). Бөлінбеген аумақта жабдықтар, шикізат, ыдыстар және т.б. жинауға;
- 2). Қоршаған ортаға зиян келтіретін тазарту әдістерін пайдалануға;

36. Шаруашылықтар, кәсіпорындар, ұйымдар басшылары өз қызметін жүзеге асыруда міндетті:

- 1). Қолданылып жүрген санитарлық заңдарды, санитарлық нормалар мен ережелерді, гигиеналық нормативтерді сақтауды қамтуға;
- 2). Қоршаған ортаның ластануын жоюға және алдын алуға бағытталған санитарлық-эпидемияға қарсы шараларды әзірлеуге мен жүзеге асыруға.

6. ТАРАУ. Осы Ережелердің бұзылуына жауапкершілік

37. Осы Ережелердің бұзылуы Қазақстан Республикасының "Әкімшілік құқық бұзушылық туралы" Кодексінің 300, 387 баптарында көрсетілгендей әкімшілік жауапкершілік артады.